



Broj:
Maglaj,

PRIJEDLOG

Na osnovu člana 2. stav (1) Zakona o osnovama sigurnosti saobraćaja na cestama u Bosni i Hercegovini („Službene novine Bosne i Hercegovine“, br. 6/06, 75/06, 44/07, 84/09, 48/10, 18/13, 8/17, 89/17, 9/18, 46/23 i 88/23), člana 8. i 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, br: 49/06 i 51/09) i člana 18. Statuta Općine Maglaj („Službene novine Općine Maglaj“, br.8/07, 3/08 i 6/08), Općinsko vijeće Maglaj na _____ redovnoj sjednici, održanoj _____ 2024. godine, donosi

ODLUKU

o izmjeni i dopuni Odluke o sigurnosti saobraćaja na cestama Općine Maglaj

Član 1.

U Odluci o sigurnosti saobraćaja na cestama Općine Maglaj (“Službene novine Općine Maglaj”, broj: 12/18) član 53. stav (2) mijenja se i glasi:

“Najmanje tri člana Savjeta za sigurnost saobraćaja imenuju se iz oblasti saobraćajne struke, a dva člana iz drugih oblasti .”

Član 2.

U članu 54. stav (1) brišu se riječi “do 7 (sedam)”.

Član 3.

Ova Odluka stupa na snagu danom donošenja i ima se objaviti u “Službenim novinama Općine Maglaj”.

PREDSJEDAVAJUĆA

Aida Bašić

O b r a z l o ž e n j e

PRAVNI OSNOV

Članom 2. stav (1) Zakona o osnovama sigurnosti saobraćaja na cestama u Bosni i Hercegovini („Službene novine Bosne i Hercegovine“, br.6/06, 75/06-ispravka, 44/07, 84/09, 48/10-drugi zakon, 18/13, 8/17, 89/17, 9/18, 46/23 i 88/23), propisano je

Organi Bosne i Hercegovine, entitetski i kantonalni organi i organi Brčko Distrikta Bosne i Hercegovine i organi lokalne samouprave i lokalne uprave u gradovima i opštinama obezbijediće sprovođenje ovog zakona i u okviru svoje nadležnosti donosiće propise i preduzimaće druge potrebne mjere za njegovo dosljedno sprovođenje.

Članom 8. Zakona o principima lokalne samouprave u Federaciji Bosne i Hercegovine („Službene novine Federacije BiH“, br: 49/06 i 51/09) propisano je da jedinica lokalne samouprave ima vlastite nadležnosti ustanovljene ustavom i zakonom i ima pravo baviti se svim pitanjima od lokalnog značaja koja nisu isključena iz njene nadležnosti, niti dodijeljena u nadležnost neke druge vlasti na osnovu ustava i zakona.

Članom 13. Zakona o principima lokalne samouprave u Federaciji Bosne i Hercegovine propisano je da je Organ odlučivanja jedinice lokalne samouprave općinsko vijeće u općini, a gradsko vijeće u gradu.

U članu 18. Statuta Općine Maglaj („Službene novine Općine Maglaj“, br.8/07, 3/08 i 6/08) propisano je da je Općinsko vijeće nadležno da donosi odluke, rješenja, propise i opće akte.

RAZLOZI ZA DONOŠENJE

Radi unapređenja sigurnosti saobraćaja, kao i ostvarivanja koordinacije svih organa koji su od značaja za normalno funkcionisanje saobraćaja na području općine Maglaj, neophodno je osigurati i kvalitetnu izgradnju puteva kao osnov na kojima se odvija saobraćaj.

Kako bi osigurali putnu infrastrukturu da odgovara namjeni i zahtjevima bezbjednosti saobraćaja, osnovne uslove koje putevi, odnosno elementi i objekti na njima moraju da ispunjavaju sa gledišta sigurnosti saobraćaja, neophodno je da organ lokalne samouprave u okviru sprovođenja propisa iz svoje nadležnosti, uključi i stručnjake iz drugih oblasti.

FINANSIJSKA SREDSTVA

Za realizaciju ove Odluke planirana su sredstva u Budžetu Općine Maglaj za 2024. godinu.

Obradivač: Emina Hasanić

